



Nkhskt. Angie
Motshekga. iNduna
yeMfundvo yeSisekelo



UMnu. Enver Surty.
liphini leNduna
yeMfundvo yeSisekelo

Letincwadzi tekusebentela tikhicitelwe bantfwana baseNingizimu Afrika ngekuholwa yiNduna yeTemfundvo yeSisekelo.

Nkhskt Angie Motshekga okanye neLiphini lakhe uMnu Enver Surty.

LeTincwadzi Tekusebentela takaRainbow tiyincenze yemitamo yaleLitiko leTemfundvo yeSisekelo yekutfutfukisa bafundzi baseNingizimu Afrika emabangeni ekucala lasifupha ekufundza. Njengalomunye wemigomo lehamba embili eLuhlelweni lweKusebenta lwaHulumende, lomsebenti ukhokhelwe ngesihle Silulu seTimali saVelonkhe. Ngena yalokusekelwa ngetimali. leLitiko leTemfundvo lipumelele kwakha letincwadzi ngato tonkhe letilwimi letisemtsetfweni kulelive.

Siyetsemba kutsi bothishela batatitfola tilusito kakhulu letincwadzi tekusebentela basafundzisa malanga onkhe kute bafundzi bakhone kucedza luhlelo lwabo lwekfundza. Setame, ngekucopehela lokukhulu, kusita thishela kuleyo naley ncnene yemsebenti, ngekusebentisa timphawu letitifombe kukhombisa umfundzi loko lokumele akwente.

Siyetsemba bantfwana nabo batakujabulela kusebentisa letincwadzi basachubeka nekukhulu nekufundza; nekutsi bothishela batawutfokota kanye nabo.

Sifisela bothishela nebafundzi imphumelelo basachubeka nekusebentisa letincwadzi tekusebentela.

ISBN 978-1-4315-0249-3

9 781431 502493

Rainbow
WORKBOOKS

LIFE SKILLS IN SISWATI
GRADE 1 – BOOK 2
TERMS 3 & 4

ISBN 978-1-4315-0249-3
THIS BOOK MAY
NOT BE SOLD.

Kufundza ngeMtsetfo Sisekelo weNingizimu Afrika (1996)

UMtsetfo-sisekelo waseNingizimu Afrika (1996) ucuketse imitsetfo lesetulu yelive. Lemitsetfo ingetulu ngisho kwamengameli welive, tinkantolo kanye nahulumende. Ichaza kutsi bantfu belive kumele baphatsane njani, nekutsi ayini emalungelo abo kanye nemitfwalo labanayo ngalabanye. UMtsetfo Sisekelo welive ukhonela kusivikela sonkhe nyalo kanye nebantfwabetu ngakusasa.

**Kufute sati
ngelimuva
letfu.**

**Asingawaphindzi
emaphutsa
ayitolo.**

**uMtsetfo Sisekelo usisita
kutsi sicabange futsi sakhe
likusasa lelihle lakhe
wonkhe umuntfu.**

Tsine, bantfu baseNingizimu Afrika;
Siyakubona kungabi khona kwebulungiswa esikhatsini lesengcile;
Setfulela sigcoko labo labahlukuyeta kuze sitfole bulungiswa nenkhululeko eveni letfu;
Sihlonipha labo labasebentile kwakha nekutfutfukisa live letfu; Siyakholwa futsi kutsi iNingizimu Afrika yabo bonkhe labahlala kuyo, sihlangene ngekwehlukahlukana kwetu.

Ngaloko-ke, ngetifunwa lesitikhetselone ngenkhululeko, siyawemukela loMtsetfo-sisekelo njengemtsetfo lophakeme kunayo yonkhe eRiphahulikhki kuze—
Kuphelinwe kwehlukana kwayitolu futsi kwakhie umphakatsi losekelwe yintsandvo yelinyenti, bulungiswa ekuphileni kanye nemalungelo-sisekelo ebuntfu;
Kubekwe sisekelo sempakatsi wentsandvo yelinyenti, longenamfihlo lapho khona hulumende abekwe ngetifiso tebantu futsi sonkhe sakhamuti ngalokulinganako sivikelwe ngumtsetfo;

Kwentiwe ncono lizinga lemphilo yetakhamuti tonkhe futsi kukhululwe emakhono emuntfu ngamunye; futsi

Kwakhie iNingizimu Afrika lehlangene futsi yentsandvo yelinyenti lekwati kutsatsa indzawo yayo leyiyifanele njengelive lelitibusako njengawo onkhe emave latibusako.

**Tsatsa lilungelo
lakho njengemntfu
waseNingizimu Afrika
bese utsatsa sigaba sakho
kuvikela emalungelo
alabanye.**

**Wati uMtsetfo
Hlongotwako
wemalungelo akho kanye
neMtsetfo Hlongotwako
weMtfwalo lobhekene
nemuntfu.**

Nkulunkulu akabusise bantfu bakitsi
Nkosi Sikelel' i-Afrika. Morena boloka setjhaba sa heso.
God seën Suid-Afrika. God bless South Africa.
Mudzimu fhatutshedza Afurika. Hosi katekisa Afrika.

Tincwadzi letitfolakala kulelimfomo:

- Lulwimi Lwekucala Lolwenetiwe Emabanga 1 – 3 (Ngato tonkhe tilwimi letisemtsetfweni)
- Lulwimi Lwekucala Lolwenetiwe Emabanga 4 – 6 (NgesiNgisi)
- Lulwimi Lwasekhaya Emabanga 1 – 6 (Ngato tonkhe tilwimi letisemtsetfweni)
- Tibalo Emabanga 1 – 3 (Ngato tonkhe tilwimi letisemtsetfweni)
- Tibalo Emabanga 4 – 9 (NgesiNgisi nesiBhunu)
- Emakhono eMphilo Emabanga 1 – 3 (Ngato tonkhe tilwimi letisemtsetfweni)

**Kubuyeketiwe
futsi kwahlelenjiwa
ngekwema-CAPS**

Libanga

**Emakhono eMphilo
SISWATI**

**Incwadzi 2
Emathemu 3 & 4**


Ligama:

Likilasi:



basic education


Department:
Basic Education
REPUBLIC OF SOUTH AFRICA



Lokucuketfwe

Ithemu 3 likhasi

- (33) Tindzawo emmangweni wami ...2
- (34) Kunakekela tinsita emmangweni wami.....4
- (35) Kulungile noma cha6
- (36) Bantfu emmangweni wami8
- (37) Tilwane lesitifuyela ekhaya 10
- (38) Kunakekela tilwane tekhaya.... 12
- (39) Imbeko nemitfwalo 14
- (40) Siyachubeka ngemitfwalo 16
- (41) Kungani sidzinga tilimo..... 18
- (42) Indlela tilimo letibukeka ngayo..... 20
- (43) Ivelaphi imbewu..... 22
- (44) Lokudzingwa tilimo kukhula.... 24
- (45) Kudla lesikudlako..... 26
- (46) Lapho kuvela khona kudla lokwehlukene..... 28
- (47) Kudla lokunemphilo nalokute 30
- (48) Kulondza kudla..... 32



Published by the Department of Basic Education
222 Struben Street
Pretoria
South Africa

© Department of Basic Education
Fifth edition 2015

ISBN 978-1-4315-0249-3

This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.



Ithemu 4 likhasi

- (49) Tinhlobo temakhaya (1).....34
- (50) Tinhlobo temakhaya (2).....36
- (51) Tintfo letakha emakhaya lehlukene38
- (52) Emakhaya lalungela tinhlobo letehlukene tesimo selitulu.....40
- (53) Kutfolia tindzawo netintfo (1) ... 42
- (54) Kutfolia tindzawo netintfo (2) ... 44
- (55) Kutfolia indlela46
- (56) Kutfolia tigameko endzabeni ... 48
- (57) Siwasebentisa njani emanti: ekhaya nasesikolweni50
- (58) Tindlela letimosa emanti52
- (59) Emanti ekunatsa laphephile nalangakaphephi54
- (60) Kulondvolota emanti lahlobile56
- (61) Kusuka emini kuya ebusuku... 58
- (62) Sibhakabhaka sebusuku sibukeka kanje.....60
- (63) Lilanga nenyeti.....62
- (64) Tinkhanyeti63



Tinsuku letimcoka nga -2015



Liholide Lesive leNingizimu Afrika:

Lusuku Lolumcoka Lwesikhumbuto sebuJuda:

Lusuku Lolumcoka Lwesikhumbuto sebuMozilemu:

Lusuku Lolumcoka Lwesikhumbuto sebuBhahayi:

Tinsuku Temhlabawonke takamhlabuhlangene:

Libanga

1

Emakhono eMphilo
ngeSISWATI
Incwadzi 2

Lencwadzi ya:

Copyright © Shingani Publishers (Pty) Ltd 2013

33 Tindzawo emmangweni wami


Ithemu 3 – Liviki I

Ase ucabange ngabo
bonkhe labantfu
lobabonako nalokhuluma
nabo malanga onkhe –
laba bantfu
bangummango wakho.

Bangaba bantfu
labasesitaladini sakho
noma labahlala madvute
nalapho uhlala khona.

Bangaba bantfu
basenkonzweni noma
esikolweni sakho,
emaphoyisa emmango,
bodokotela kanye
nalabanye nje.

Ase sifundze



Asikhulume

Coca nemngani wakho ngaletifombe kulamakhasi lamabili.

Tindzawo tini lotibonako kulesitfombe?

Ngukutiphi taletindzawo lapho bantfu babutsana khona?

Lusuku:



Asente loku

Ngutiphi, kuletindzawo esitfombeni ngentasi, loke wativakashela? Landzelela utsatsise titfunti-mugca tato ngemakhilayoni.



Asikhulume

Cocela umngani wakho kutsi ngabe letindzawo wativakashela uhamba nemunfu noma wedvwana. Kwaya ngani kutsi uvakashele letindzawo?

Ucabanga kutsi letindzawo lowativakashela kulula kutsi tivakashelwe bantfu labakhubatekile?

Teacher:
Sign:
Date:


Kunakekela tinsita emmangweni wami



Tindzawo emimangweni
yakitsi tinetinsita
letehlukene
letingasetjentiswa
nguwonkhe wonkhe.
Imitfolamphilo, tikolo,
tinkhundla tekudlala
netibhedlela. Tonkhe leti
tinsita lesingatisebentisa.

Sidzinga kunakekela
tonkhe letinsita
emmangweni wakitsi.

Futsi sidzinga kugcina
simondalo sakitsi sihlobile,
khona wonkhe muntfu
atosisebentisa.



Asikhulume

Coca nemngani wakho ngalesitfombe.

- Ucabanga kutsi bayatsandza yini bantfu kuhlala lapha?
- Kungani ucabanga kanjalo?
- Ungentiwa njani ummango nesimondalo sakini kuba ncono?



Asente loku

Yenta umdvwebo wakho
wemibalabala usebentisa luhlolo
lwesitfutsi sesive, njengesitimela,
ibhasi noma itekisi. Khombisa
bantfu labanebukhulu lobehlukene
labanawe – labanye bahleti
bacondze mpo, labanye bagobe
babheka embili noma balele phansi
babheke emuva, labanye bakhulu
kani labanye bancane.


Lusuku:.....



Asinyakate

Tifutfumete

- Tifutfumete ngekuhamba uye embili mantontolwane.
- Nyalo hamba sinyova ngetitsendze.
- Yani embili ngetitsendze.
- Hamba sinyova mantontolwane.



Bumba tinhlavu

Yakhani emacembu aba-2. Sebentisani
imitimba yenu kwakha tinhlavu. Ningema neyame
lubondza noma nilale phansi.

Ase ubone kutsi wena nemngani wakho
ningete nalwakha luhlavu labanye
labangakhoni kulwakha.



Kulungile noma cha


Asikhulume

Buka letitfombe.

Tijini vele tonkhe letinsita? Tjela umngani wakho indlela lengiyo yekusebentisa insita ngayinye.

Ithemu 2 – Liviki 2

Ithemu 3 – Liviki 3





Asente loku

Yakha sitfombe-bunjwa
sesakhiwo lesincane usebentisa
tintfo letivusetelwe. Ungakha
umtfolamphilo, umtaponcwadzi
noma-ke ngusiphi nje
sakhiwo emmangweni wakho.
Ningabuye nisebente
ndzawonye ngemacembu.
Hlobisani sakhiwo senu
kukhombisa kahle kutsi nakhe
sakhiwo sini.



Asinyakate

- Hlelembisa lamasondvo eme mpo alandzelane.
- Khasa uphume kulamasondvo.
- Beka emasondvo cababa, phansi.
- Mani ngemilente yomibili etu kwelisondvo lemoto.
- Nyalo-ke sima ngamlente munye etu kwelisondvo.
- Sebentisa lamasondvo nakunobe ngumuphi lomunye umdlalo wekunyakata.

Caphela ungate utilimate.



Teacher:
Sign:
Date:

Bantfu emmangweni wami



Asibhale



Umetsi wephethiloli

Umdayisi timbali

Umongi



Umshayeli mathekisi

Liphoyisa lemgwaco

Dokotela



Umtsengisi titselo

Socimamlilo

Liphoyisa

Asikhulume

Buka letitfombe loticambile bese ucoca nemngani wakho ngato.

Uyababona labantfu emmangweni wakho?

Bobani lobabona emmangweni wakho?

Ngabe bantfu emmangweni wakini bayasitana yini? Yini labayentako?



Asibhale

Dvweba umugca kusuka ekucaleni kwemusho ngamunye ngesancele
kuya emagameni lahambisanako ngesekudla.

Lusuku:



Socimamlilo

Lilunga leMkhandlu weMaphoyisa
eNingizimu Afrika

Dokotela

Umtsengisi titselo

Umetsi wephethiloli

libamba tigebengu.

utsengisa titselo.

wetsa phethiloli etimotweni.

ucisha umlilo.

usenta siphile.



Asibhale

Buka letitfombe. Emagameni langentasi, ligama lelingilo lesitfombe
ngasinye libhale ngaphansi kwesitfombe ngasinye. Catsanisa
timphendvulo takho netemngani wakho.

Iloli yesicimamlilo



Endzaweni yekwetsa
phethiloli



Sibhedlela



Emaphoyiseni



Asinyakate

Betsa tandla ngesigi losivako.

- Lalelisisa uma sigi sigucuka.
- Yenta loku ngetinhlobo letehlukene tetingoma, kusuka kutakudzala kuya kutesimanje.
- Betsa tandla ngesivinini noma ngesiye kuhambisana nesigi.

Emanotsi athishela:

Lalela umculo thishela wakho lawudlalako kumbe tigi thishela wakho latidlalako ngesigubhu kumbe lolunye lugubhu lwengoma.



Tilwane lesitifuyela ekhaya



Ase sifundze

Linyenti letfu linetilwane tasekhaya. Silwane sakho sasekhaya ngumngani wakho. Uyasinakekela futsi sihlala madvute nawe – mhlawumbe ekhatsi endlini yinye nawe kumbe esakhiweni lesikhetskile ebeleni lakini.



Asikhulume

Buka lesitfombe. Coca nemngani wakho ngalesitfombe. Sebentisa ikhilayoni kubiyela tonkhe tilwane tasekhaya lotibonako. Tingaki tilwane tekhya longatibala? Tjela thishela wakho.

- Unaso wena silwane sekhaya?
Uma unaso, cocela umngani wakho ngaso.
- Uma ute, cocela umngani wakho kutsi luhlobo luni lwesilwane sekhaya longatsandza kuba naso kumbe-ke usho kutsi kungani ute silwane sekhaya.



Asibhale

Nilikilasi yentani luhlu lwato tonkhe tinhlobo tetilwane tekufuywa leningatiboni esitfombeni. Kopela lapha loko thishela wakho lakubhalako ebbodini.



Asente loku

Dwweba noma ngusiphi
silwane sekhaya
lositsandzako-ungabuye
uticambele nje leso
silwane longatsandza
kuba naso.



Asinyakate

Tifundzise kujika nekugendza ibhola.

- Ngetandla totimbili jika ibhola yethenisi etulu emoyeni. Yigendze ngetandla totimbili.
- Manje yijke etulu emoyeni ngesandla sinye bese uuyigendza futsi ngaleso sandla.
- Nyalo-ke jika ibhola yethenisi ngesandla sakho lesibutsakatsaka etulu emoyeni uyyigendze futsi ngesandla sakho lesibutsakatsaka.
- Gcumisa ibhola yethenisi phansi ngetandla totimbili ubuye uyyibambe futsi ngetandla totimbili.
- Yigcumise ngesandla sinye ubuye uyyibambe futsi ngaleso sandla.
- Yigcumise ngalesa lesinye sandla ubuye uyyibambe futsi ngaleso sandla.
- Mani endilingeni. Jika ibhola yethenisi
- Mani endilingeni wendlulisele ibhola kulomuntfu loseceleni kwakho usebentisa tandla totimbili.
- Yendluliselala ibhola kulomuntfu loseceleni kwakho usebentisa sandla sinye.
- Sebentisa sandla sakho lesinye wendlulise ibhola iye kulomuntfu loseceleni kwakho kulela lelinye licala.

Bewati-nje?

Cishe tonkhe tinja titsandza kudlala ngebhola.
Kodvwa kufute uphutfume ngoba tinja tiyatsandza kubamba ibhola tigijime nayo tibaleke.



Teacher:
Sign:
Date:

38 Kunakekela tilwane tekhaya



Asikhulume

Kumcoka kunakekela tilwane tetfu tekhaya.

3 – Liviki 3



Coca nemngani wakho ngalokudzingwa tilwane tekhaya. Ticabange ungulesilwane sekhaya umngani wakho lasidvwebe ekhasini 11. Cabanga ngalongakudzinga. Ungacabanga ngalokufana nekudla nendzawo yekulala. Nyalo-ke cocela umngani wakho. Phindza ukhulume ngaloko langakwenta nakwenteke ugula.



Asibhale

Faka lumphau (✓) edvute kwentfo ngayinye ledzingwa silwane sekhaya.

Kudla

Emanti

Inhlama yekucubha

Indzawo letfokomele, leyomile yekulala

Dokotela wesilwane
nasigula

Liholide



Asente loku

Dvweba emagumbi ekuhlala netinhlobo tekudla lokungadzingwa nguletilwane.
Chubeka ubhale ligama lesibita ngalo bantfwabato.

Silwane	Kudla	Ligama lemntfwanaso
		<hr/>
		<hr/>
		<hr/>

**Asente loku**


Fundza umusho ngamunye ucabange ngekutsi ungrativa njani nekutsi ungatsini futsi wenteni. Khombisa loko longakuva naloko longakusho. Thishela wakho utakutjela kutsi wente kuphi.

- Utitsatsele silwane sekhaya lesisha.
- Likati lakho linyamalele.
- Inja yakho seyidle intsandvokati yelithoyizi lakho.
- Umngani wakho ucalia injia.
- Ubona injia ikhiyelwe emotweni levaliwe.

**Asinyakate**

Lalela letigi letehlukene thishela wakho latatidlala. Yenta shengatsi usilwane lesihamba ngesigi salengoma.

Uma ingoma igijima, cocoma njengelihhashi.



Uma ingoma ipholile, ntjentjemuka njengeluviane.

Uma ingoma imemeta, hamba njengendlovu.



Uma ingoma ibina, hamba njengelufudvu.

**Asikhulume**

Logwaja nguSagundvwane. Ematinyo abosagundvwane akayekeli kukhula.

Umnyaka munye wemuntfu ulingana neminyaka lesi-7 yenja. Uma injia ineminyaka lemi-3, kufana nekutsi ineminyaka lengema-21 emuntfu.

Uma likati lijabulile litsi, mmnyaawu!

**Asitijabulise**

"Likati neLigundvwane". Thishela wakho utanitjela kutsi ngubani likati ngubani ligundvwane. Ntjintjanisa tikhundla emva kwesikhatsi.



Imbeko nemitfwalo

Ase sifundze



Lamagama akhomba imbeko lenhle. Imbeko yetfu yindlela lesiphatsa ngayo labanye bantfu. Imbeko yetfu ikhomba kutsi sibahlonipha kanganani labanye bantfu.

Siyakutsakasela kukhuluma nalomunye umuntfu lonembeko lenhle.

Kumnandzi futsi kuba ngumngani wemuntfu lonembeko lenhle.

Sinemtfwalo wekuhlala siphatsa labanye bantfu kahle. Kungako sonkhe ngamunye kufute sibe nembeko lenhle.



Asikhulume

Bukisisa letitfombe. Chubeka ufundze emagama emabhokisini. Coca nemngani wakho ngaletitfombe. Cocani ngekutiphatsa kahle noma kabi labantfwana labakukhombisako.

Kusile
Make!

Khombisa umusa.

Lindza lihlandla
lakakho.



Yabelana
nalabanye.

Ngibonga kakhulu
kungilalela
ngesizotsa.



Ngabe ukhohlwe
ipeniseli yakho?
Ungasebentisa yinye
yetami.



Ngicolele Make,
bengifuna kubuka
ivasi yakho lendzala.
Ngibese ngiyayiwisa
nyalo seyephukile

Kunjani, Busi. Ngitfole
sikhwama sakho sishiywe
ngephandle. Asetsembe
kutsi kute lotsetse
emakhilayoni akho.

Bani
nekwetsembeka.



Kuhlonipha labanye bantfu

Bingelela bantfu lobatiko kanjalo netihambi.

Hlonipha tintfo talabanye bantfu.

Teacher:	Sign:
Date:	



Siyachubeka ngemitfwalo

Asibhale

Bukisisa letifombe bese ufundza lemisho emabhokisini.



Ngiyasita kugcina indlu
yakitsi ihlobile.



Ngingumngani lolungile
ngisita labanye.



Ngikhombisa
umndeni wami kutsi
ngiyawutsandza.

Ngidlala kahle
ngemathoyizi emngani
wami.

Ngiyatinekekela mine
netintfo tami.

Ngisita babe wami
kudeka litafula.



Ase siddale

Yenta silinganiso-mdlalo ngembeko lenhle nemitfwalo lapho khona:

- ubingelela bantfu lobatiko nalongabati
- noma ulindza lihlandla lakakho
- noma ulalela lomunye ngekucikelela
- noma wabelana nalomunye
- uba ngumngani nalomunye
- wetsembekile ngalokutsite
- noma ukhombisa kuhlonipha tintfo talabanye
- noma ukhombisa kuhlonipha labanye.



Asente loku

Dweba sitfombe
sakho ukhombisa
bungani kulabanye.



Asinyakate

Lalela uma thishela wakho akutjela kutsi zuba, gjima noma khasa.

Thishela utawushaya indweba embi kwemlayeto lomusha ngamunye.

Nyakata ngesivinini noma ngesiye uma thishela wakho akutjela loko.



Ase siddale

Dlala mkoko ngemlente wakho lobutsakatsaka.

Mbeko yini lenhle lemcoka uma udlala mkoko?

Ngemacembu, yentani silinganiso-mdlalo sembeko lenhle nemitfwalo yenu macondzana naloku:


- umndeni wakho
- noma umsebenti wenu wesikolo
- noma imisebenti yenu yasekhaya
- noma kudla lenikutfola mihla yonkhe
- noma kwembatsa lenikugcokako
- noma emathoyizi enu
- noma bangani bakho




Kungani sidzinga tilimo



Buka lapho uhleti khona. Ngutiphi tintfo lotibona tipuma etintfweni letitilimo?
Coca nemngani wakho nibone kutsi nine nobabili ningacabanga tingaki. Tjela
thishela wakho kutsi nicabange tingaki tilimo.



Letinye tilimo tisinika
ijusi nekudla.



Letinye tilimo netihlahla
tisipha umtfunti.




Letinye tilimo netihlahla
tiniketa umtfunti etilwaneni.



Letinye tilimo tisipha timbali
lesitibeka emakhaya etfu.





Sidzinga tjani benkhundla
yetfu yemdlalo.



Sisebentisa kotini
kwenta timphahla.



Sisebentisa umhlanga kwakha
emabhasikidi nekufulela
luphahla.



Sisebentisa tilimo netihlahla
kwakha ifenisha.



Unemngani wakho, khetsani tindlela letintsatfu letimcoka
kakhulu lokusetjentiswa ngato tilimo.

Singatenta yini tihlahla kutsi tife uma sitisebentisa
kakhulu? Cocisanani ngalombuto nilikilasi.



Teacher:	
Sign:	
Date:	



Idlela tilimo letibukeka ngayo

Asibhale

Tilimo takhiwa tincenye letehlukene. Sebentisa emagama lasemabhokisini kukhomba tincenye taletilimo. Catsanisa emagama akho newemngani wakho.

Ithemu 3 – Liviki 5

timphandze




sicu sesihlahla

licembe

imbali

umbhedze wembewu

sicu





Asinyakate

Yehlukanisa likilasi ngemacembu emabhungane ensimi nebalimi-ngadze.

- Balimi-ngadze kufute betame kuvimba noma kubamba emabhungane.
- Ntjintjanisa tindzima tekudlala emva kwemizuzu lemi-2.
- Phindza tikhatsi letimbalwa.



Ase siddale

Dlala mabhacelana.




Tilokatana tibhaca ngephansi noma emva kwetilimo ngako-ke balimi kufute batitfole embi kwekuba tide tonkhe tilimo.



Asikhulume

Tinhlobo letehlukene tetilimo tibukeka ngekwehlukana. Kodvwa tibuye tifane futsi ngetindlela letinyenti. Ase ubuke letifombe. Coca nemngani wakho ngaletilimo Yini lefanako futsi yini leyehlukile?



Asente loku

Dweba noma penda
silokatana noma
silwanyana lesifuna
kudla sihlahla sakho
selibhontjisi. Akudzingeki
kube silokatana mbamba.
Sebentisa umcondvo
wakho-nje. Dweba noma
upende titfombe nemigca
lekhanyako, nalegcamile.





Ivelaphi imbewu



Ase sifundze

Letinye tilimo tinetimbewu letibhace etimbalini noma etitselweni.

Singayihlanyela lembewu kutjala tilimo letinsha. Imbewu iyahhohloka isuke kulesilimo kusungula silimo lesisha. Lenye imbewu isakatwa ngumoya noma bantfu, tilokatana naletinye tilwane. Letinye tingwabu tembewu tidliwa tinyoni bese tincenyenye tato letilukhuni tisala emangcolisweni etinyoni.



Asikhulume

Timbewu tihamba njani esitfombeni ngasinye? Kumele imbewu ibe njani kute ihambe ngalendlela? Coca nemngani wakho.



Uma ufunu kuhlanyela takho
tilimo usebentisa imbewu,
ungasebentisa imbewu yetilimo
letisengadzeni yakho. Noma
ungatsenga imbewu esitolo.





Asikhulume

Fundza lenkondlo nemnyakato.

Imphilo emva kwesilimo

Lusuku:

Lena yimbewana lencanyana:
Ase siyitjale ngekushesha emhlabatsini!
Ichuma sicutu nembali
Ineliphunga lelimnandzi yonkhana.
Bonyosi manyakata bandiza embalini
Masinyane, yafa nje imbali lenhle.
Kodvwa, ungetfuki, ungakhali futsi.



Asinyakate

Khombisa injabulo yakho ngalemnyakato
Bamba iseshi lenembala noma iribhoni lendze
ngesandla sakho lesisebenta ncono. Uhambisa
umkhono wakho, yenta emaphethini
lehlukene emoyeni noma phansi ngeseshi
noma ngeribhoni yakho. Cala usebentise
sandla sakho lesisebenta ncono bese uya
kulesibutsakatsaka. Ungabuye ukwente
ngesigi sengoma loku.

Uma kukhona sihlahla, buka kutsi sisisebentisa
njani kudlala. Jiketa ngendophi leboshwe nko.
Cale ukwente ngetandla totimbili, bese kuba
ngesandla sakho lesisebenta ncono futsi kube
ngesandla sakho lesibutsakatsaka.



Emanotsi athishela:
Sebentisa indophi,
iseshi neribhoni.





Lokudzingwa tilimo kukhula

Liviki 6





Asikhulume

Buka lesitfombe. Ngabe konkhe lokulapha kuyaphila?

Ithemu 3

Coca nemngani wakho ngaso: ngutiphi tintfo letiphilako longatibona? Ngutiphi lokutilimo kuletintfo letiphilako? Tiyakhula yini tilimo?

Ngabe tilimo nato tiyadla? Uma tidla, yini letiyidlako? Ngabe tilimo tiyanatsa? Uma tinatsa, yini letiyinatsako?



Asibhale

Nyalo-ke bhala ligama ngalinye lalawa esitfombeni ngetulu kukhombisa kutsi ngutiphi tilimo lokufute tikhule.

kukhanya kwelilanga

emanti

tinsita-mtimba

umoya





Asente loku

Kumalula kutjala tilimo takho.
Utawutjala silimo selibhontjisi.

Lusuku:.....

Sinyatselo 1:

Mbonya emabhontjisi
lama-3 emkhatsini
wematsapho lama-2 akotini
wavolo. Kubeke esosweni noma endishini
lengenalutfo ekhatsi.



emanti

emabhontjisi



indishi
yekuphatsa



kotini wavolo


Sinyatselo 2:

Tsela emanti etu
kwakotini wavolo
ucinisekise kutsi
uba manti chi!



Sinyatselo 3:

Beka lelisoso kumbe
indishi entsendzeni
yelifasitelo noma
endzaweni lapho
kufinyelela kahle
khona lilanga.



Sinyatselo 4:

Emva
kwemalangana,
bona kutsi sikhula
njani silimo sakho.
Nisela kanye
ngeliviki.

Lilanga 1



Lilanga 2



Lilanga 3



Lilanga 4

Sinyatselo 5:

Nase silimo sakho
sichuma timphandze,
sewungasitjala-ke
emhlabatsini lotsambile.



Sinyatselo 6:

Nisela silimo sakho kanyentana nje. Emva
kwemaviki lambalwa, utawukhona kukhulula
emabhontjisi akakho nawe.



Teacher:
Sign:
Date:

Kudla lesikudlako




Ase sifundze

Kudla lokuhle kusipha emandla njengaphethiloli lowenta imoto ihambe. Sidzinga kudla lokunemphilo kukhona kwenta loko lesidzinga kukwenta nekuba sesimeni lesihle kakhulu. Kudla lokunemphilo kusinika emandla futsi kusisite sikhule.



Asibhale

Ase ubuke letitfombe. Bhala ligama lenhlobo ngayinye yekudla ngentasi kwesitfombe lesingiso.



Asibhale

Kudla kuni wena lokutsandza kakhulu? Ngukuphi-ke longakutsandzi kangako? Kubhale ngaphansi kwetihloko letifanele. Khetsa kuletitfombe letingenhla.

Kudla lengikutsandzako

Kudla lengingakutsandzi




Ase sifundze

Lusuku:.....

Kudla singakwehlukanisa ngemacembu lasi-7.

Ngephansi kulesitfombe kudla longakudla emahlandla lamanyentana.

Ungakudla nekudla lokungetulu, kodvwa hhayi ngekuphindzelela.



Asikhulume

Cocani nilikilasi.

Kungani sifanele kukudla kancane kudla lokusetulu eluhleni lwestfombe bese sikudla kakhulu lokungephasi?

Teacher:	
Sign:	
Date:	

Lapho kuvela khona kudla lokwehlukene



Ase sifundze

Kudla lokunyenti kuvela emapulazini. Umkhicito wekudla ukhicitwa epulazini, ubese uyasetjentiswa kwenta tinhlobo tekudla letinyenti.




Sinkhwa nemasireli
abuya kukolo.



Emacandza siwatfola
etinkhukhwini.



Sitfola lubisi etinkhomeni.
Sakha iyogathi nashizi ngelubisi.



Titselo tihluma etihlahleni nakutilimo.



Sisebentisa ummbila
kwenta imphuphu.

Lusuku:



Luju lona lubuya etinyosini.



Shukela wentiwa
ngemfe yemoba.



Inyama nebhekhoni sijtfola
etingulubeni.



Tibhidvo singatitjala
etingadzeni tetfu.



Asente loku

Hlabela lengoma
nathishela wakho.




Emahhabhula, emagwava nabhana

Emabhontjisi emaphizi nemazambane


Kukhulisa imitimba yetfu icine.

Kungenta ngilungele kusebenta

Ngidla kudla lokunemphilo!



Kungigcina ngicinile nginemandla.





Kudla lokunemphilo nalokute



Ase sifundze

Kudla lesikutsandzako akuhlali kungulokusilungele.

Kulesinye sikhatsi singatsandza lokutsite kantsi akukasilungeli. Kantsi kulesinye sikhatsi asikutsandzi lokutsite kube kantsi kusilungele kakhulu.

Kodvwa-ke, indathane yetintfo letinhle ayivami kuba ngulokusilungele. Ngako-ke, indvodla yekudla lokuhle ayihlali ikulungele njalo. Kungabate imphilo kulibala kudla kakhulu kudla uhofute nobe yini nje.

Ubodla ute utive sewesutsi bese uyema. Ungabolibala kuhofuta kudla nje ngoba wena uyakutsandza.



Asente loku

Sika titfombe tekudla lokunemphilo nalokute imphilo kubomagazini utinamatsisele etikoteleni letifanele. Uma wehluleka kutfola titfombe, kudvwebe lokudla.



Kudla lokunemphilo

Kudla lokute imphilo



Asibhale

Sebentisa lokufundze ngekudla kubhala luhlelo lwakho lwekulda.

Kudla kwekuseni

Kudla kwemini

Kudla kwakusihlwa



Asente loku

Sitakwenta isaladi yetitselo. Landzela lemilayeto lengentasi.

Utawudzinga loku:

- Titselo letehlukene
- Indishi lenkhulu
- Umukhwa nesipunu



Landzela letinyatselo:



- Geza titselo.
- Ticate nakunesidzingo (njengemawolintji).
- Ticobe ticucu letincane. (Cela lomdzala akusite.)
- Didiyela titselo endishini.

Teacher: _____
Sign: _____
Date: _____

Kulondza kudla

Ithemu 3 – Liviki 9

Ase sifundze

Buka lesitfombe.



Yini loyinakako ngaletinsuku? Sisengakudla
lokudla? Ucabanga kutsi kutakwente kani kulokudla?

IKHALENDA 2015

INYONI

M	T	W	T	F	S	S
	1	2	3	4	5	6
7	8	9	10	11	12	13
14	15	16	17	18	19	20
			24	25	26	27



RIL.59

TSENGISA MHLA KA
12 INKHWEKHWEKI 2015



Ase sifundze

Kudla lokusha akuhlali kukusha sikhatsi lesidze. Letinye titselo netibhidvo tisheshe tibune bese tiyabola. Inyama, inhlanti na leminye imikhicito yelubisi kusheshe kubole. Ngeke sikhone-ke kukudla. Yini lesingayenta kugcina kudla kukusha sikhatsi lesijana?

Indzawo lephephile yekonga kudla kusefrijini. Kodvwa lokunye kudla kungonakala nanoma komiswe ngelichwa noma kusefrijini sikhatsi lesidze kakhulu. Kunetindlela tekugcina kudla lokunye kukusha.



Asikhulume

Buka letifombe. Coca
nemngani wakho ngato.
Tindlela tini ltehlukene kudla
lokungalondvwa ngato?

Ungaticabanga nje letinye
tindlela kudla lokungavinjwa
ngato kubola? Coca
nemngani wakho ngato.
Shano tibonelo utjele likilasi.



Asibhale


Bukisia letifombe ngentasi bese ufundza emagama emabhokisini. Chubeka
ubhale linye lalamagama ngentasi kwesitfombe ngasinye lesihambisana neligama.

Lokusha

Esikoteleni

Kukomisa

Kukomisa ngelichwa





49 Tinhlobo temakhaya (1)

L - Liviki I



Asikhulume

Ithemu L

Likhaya lakho yindzawo
lohlala kuyo.


ENingizimu Afrika bantfu
bahllala etinhlotjeni
lethlukene temakhaya.
Ungalitfolaphi lelo nalelo
khaya kulawa?





Asikhulumo

Buka letifombe ngentasi. Coca nemngani wakho ngetintfo letifanako kuwo onkhe emakhaya. Ubese-ke ukhuluma ngaletintfo letehlukile. Ngukuphi lokunyenti: tintfo letifanako noma tintfo letehlukene?



Emafulethi




Tindlu tasiyilo sinye noma tiyilo letimbili



Emakhavalani nemathende



Tindlu letingakahlewa



Emakhaya esintfu



Asente loku



Emakhaya lasiyilo-sinye

Sebentani emacenjini. Tfolani libhokisi lesicatfulo, noma lenye inhlubo yelibhokisi. Lipendeni libukeke njengendlu. Yakha umfanekiso wakho ngelubumba (noma lubumba lwekulalala) wente lokutsite ngephandle dvute kwendlu.






50 Tinhlobo temakhaya (2)

Ase ucabange ngetinhlobo letehlukene temakhaya loke watibona lapho uhlala khona noma etindzaweni loke wativakashela. Dvweba titfombe tetinhlobo letimbili letehlukene temakhaya loke watibona.

Liviki I



Asente loku



Ithemu L



Asikhulume

Emanotsi athishela:
Tishela wakho utawulalela
imibono yenu.

Endlini lekahle lecinile asivami kuva kubandza kakhulu kumbe kushisa kakhulu. Asiyiva imvula noma umoya.

Bantfu labanyenti abakavikeleki kanje.

Khuluma nemngani wakho ngekutsi bantfu bativikela njani uma bangahlali etindlini.



Asinyakate

Lusuku:.....

- Yelula sandla kufika ekugcineni kute upende lumphahla lwendlu yakho.
- Guca phansi utjale tilimo engadzeni yakho.
- Yelula imikhono yakho kabanti kuvula emafasitelo endlu yakini. Ubese uvala onkhe emafasitelo.
- Gobondzela ususe lukhula engadzeni yakho.
- Shanyela siyilo ngemshanyelo lomudze.
- Geza emafasitelo ngendvwangu.



Emanotsi athishela:

Lalela lesigi thishela wakho lasidlala esigujini.
Hambisana nesigi. Uma thishela wakho agucula
sigi, gucula sivinini semnyakato wakho.
Lalelisisa!



Teacher:
Sign:
Date:

Tintfo letakha emakhaya lehlukene



Asikhulume

Sisebentisa tintfo letehlukene kwakha tindlu. Buka letitfombe ngentasi.



titini



emathayili



ngcwengcwe



semende



lucungwa/umhlanga



emagilasi



tingodvo



emapulango



ematje



iseyili yelithende



ipulasitiki



lubumba/ludzaka



insimbi



tikhumba



sihlabatsi



Coca nemngani wakho ngaletintfo letehlukene.

Ngukuphi lokubuya efekitri?

Kubuyaphi loku lokunye?

Cocela likilasi kutsi letindlu lotibona endleleni nawuya esikolweni takhiwe ngani.

Emanotsi athishela:
Thishela wakho angenta
luhla ebhodini.



Asente loku




Kulolo nalolo luhlolo lwendlu dwewba umugca
uye entfweni lolwakhiwe ngayo.

Lusuku:.....





Emanotsi athishela:
Thishela wakho utawutsatsa
tincwadzi tenu
tekusebentela atibukete.



Luhlolo lwendlu



Tintfo tekwakha



Teacher: _____
 Sign: _____
 Date: _____

Emakhaya lalungela tinhlobo letehlukene tesimo selitulu



Ase sifundze

2 - Liviki

Ithemu 4

Emakhaya agcina bantfu baphephile etinhlotjeni letehlekene tesimo selitulu. Tingasivikela emisebeni leshisako yelilanga. Tibuye tisivikele emakhateni, emoyeni nasetimvuleni.



Bewati nje kutsi bantfu emaveni labandzako badzinga kwakha tinhlobo letikhetskile temakhaya njengaleli lelingentasi?

Leli libalave leGreenland, lokulive
lelibanza hleke.



Labanye besive sema-Inuwithi labahlala etindzaweni letinetindodla nje tambayiyane nelichwa-tje bakha imipheme yebusika ngetitini telichwa-tje. Lichwa-tje phela liliguma lekuvika emakhata. Lena mipheme ibitwa ngekutsi ngema-ayiglu.



Asente loku

Ecenjini, yentani silinganiso-mdlalo kutsi ungayakha njani
indlu. Khetsani kutsi kutawuba yindlu lenjani.

Nitawusebentisa tintfo tini tekwakha?

tindlu letingakahlelwa

Bani utkwenta ini?

sivalo

Kutawuvakala msindvo muni?

emakhaya esintfu

Sebentisa lamanye alamagama.

indlu yesiyilo sinye
noma timbili

tindlu tesiKapa-Dashi

titini

lubondza

pendi

emafulethi

luphahla

shimela

lifasitelo

semende



Ase sifundze

Shanoni lenkondlo njengencenye
yemdlalo-mbukiso wenu:

Yakha, yakha indlu yakho lensha-sha!



Letsa titini, kala lolwa bondza



Betsela lesosipikili, shwila lesosikulufelo –



Letsa umpheme sibhacele lilanga.





Yakha, yakha indlu yakho lensha-sha!

Letsa sihlabatsi netivalo nemathayili

Letsa emanti, bhuka semende –

Letsa umpheme sibhacele imvula.



Teacher: _____
Sign: _____
Date: _____




Kutfola tindzawo netintfo (1)

Ase sifundze

Kunetinhlobo-nhlobo temabalave. Kukhetsa libalave lelingilo kufute sati kutsi sifuna kulisebentisela ini lelibalave. Emabalave emgwaco asisita kutfola titaladi netindzawo edolobheni noma edolobhenikhulu.

Balimi batsandza emabalave lakhombisa tintfo letinjengemadamu, imifula nemagcuma.





Asente loku

Ninemngani wakho, cocani ngalemibuto. Dwebani indilinga ibiyele letindzawo kulesitfombe kulamakhasi lamabili.

Ungatitfola kuphi tincwadzi tekufundza?

Ungabika kuphi nakuntjontjiwe?

Ungaya kuphi nawugula?

Ungakutsenga kuphi kudla?

Ungayimela kuphi ibhasi?

Ungaweca kuphi umgwaco lapho kuphephe khona?

Emanotsi athishela:

Thishela wakho utawufundza umbuto ngamunye, bese nitfola imphendvulo.



Teacher:
Sign:
Date:

Kutfola tindzawo netintfo (2)

Ithemu 4 - Liviki 3



Buka lomvila esitfombeni selibalave lemgwaco Jama lawulandzelako kusuka ekhaya kubo kuya esikolweni sakhe.

Chazela umngani wakho kutsi Jama ulandzela umvila muphi.

Sebentisa lamanye alamagama:

ngetulu


kwengca

nge

ngetulu kwe

ngaphansi

Angewewela kuphi umgwaco ngekuphepha
umngani waJama longaboni?



Emanotsi athishela:

Thishela wakho utawuhambahamba
ekilasini. Tjela thishela wakho
nawucabanga kutsi umngani
wakho uwuchaze kahle umvila.



Asinyakate

- Hlelembisa intsambo lendze phansi.
- Utawuhamba kulo "mgwaco."
- Yani embili, emuva nasemaceleni uhamba ngendophi.
- Yani embili uhamba ngendophi ubeke tandla takho etu kwenhloko.
- Hamba sinyova ngendophi, ubeke tandla takho ngemuva emhlane.
- Hamba uye emaceleni ngendophi, ubeke tandla takho elukhalo.

Lusuku:.....



Ase sifundze

Usebente njani? Uma ukhonile kwenta yonkhe iminyakato kahle, faka umbala ebusweni bekumamatseka. Uma ungakhonanga sanhlobo nje kwenta iminyakato, faka umbala ebusweni lobudzambile.

Kantsi nawukhone kwenta leminye iminyakato, faka umbala ebusweni lobusemkhatsini.


Ngikhonile kuya embili nasemuva ngendophi.			
Ngikhonile kuhamba ngiye emaceleni ngendophi.			
Ngikhonile kuya embili ngendophi ngibeke tandla tami enhloko yami.			
Ngikhonile kuhamba sinyova ngendophi ngibeke tandla tami ngemuva emhlane.			
Ngikhonile kuhamba ngiye emaceleni ngendophi ngibeke tandla tami elukhalo.			



Kutfola indlela

Asibhale

Emabalave etitfombe asisita kubona kutsi tindzawo tikhashane kanganani lenye kulenyе. Buka lelibalave.



Asibhale

Phendvula lemibuto. Ungacela umngani wakho akusite.

Dwweba indilinga lapho ubona khona **km**.

Tingaki tindilinga lonato?

David uhamba kusuka esikolweni aye kumtaponcwadzi.

Ubonani madvute nemtaponcwadzi?

Ubune lumphawo luni endleleni?

David uhambe libanga lelidze kanganani?

Ngusiphi sakhiwo langasibona David nakasembi kwesivalo semtaponcwadzi?

David ulambile. Ufuna kufika ekhaya. Tfola indlela lemfisha kakhulu kusuka emtaponcwadzi kufika ekhaya lakubo.


Ngabe inkhundla yebhola yindzawo lesedvute kakhulu nelikhaya lakubo?

Emanotsi athishela:
Njalo, tivele unesibindzi
kutjela thishela wakho uma
kukhona longakuboni
kahle.



Asente loku

Dvweba lakakho libalave-sitfombe lemvila lowuhambako emkhatsini wetindzawo leti-2. Ungakhetsa noma tiphi nje tindzawo leti-2. Nawucedza, ungakhombisa bangani bakho libalave lakho. Khombisa umngani wakho libalave lakho umcele akuchazele lomvila lowuhambako. Bona kutsi ukwenta kahle yini loku. Tjela thishela wakho uma umngani wakho akwente kahle loku.



Teacher:
Sign:
Date:

Kutfola tigameko endzabeni

Ithemba

4 - Liviki 4




Asente loku

Thishela wakho utanifundzela indzaba
ngaGundi. Lalelisa. Landzela umvila wakhe
kubalave encwadzini yakho.

Emanotsi athishela:

Thishela wakho utayifundza futsi
bese ubhala tiphambano (X)
etindzaweni.



NgaboMgcibelo Gundi udlala nebangani bakhe epaki (X).

Langa limbe ekuseni unina utsi: "Gogo uyagula. Ungasita ummikisele naku
kudla?"

Gundi utsetse sikhwama sakhe lesikhulukati sekudla. Kodvwa utsite nakaphuma

nje esangweni (**X**) watitsela endvodzeni. Yabhavumula ngelivi lemaholoholo yatsi, "Yaa, ngyabona uphetse kudla. Kwagogo wakho, angitsi?" Gundi wetfuka wachucha. Wahamba washakutela ehla ngemgwaco abheke etindlini tesicimamlilo. Wefika lapha wajikela ngesancele (**X**). Kodvwa utsite ubuka emuva nemgwaco, yabe itile indvodza imlandzela.

Gundi ancume kuvele ayowufuna lusito kubangani bakhe epaki. Utsite nakefika nje emtaponcwadzi, wajikela ngesekudla futsi wachubeka wahamba (**X**). Ngesancele ubona sikolo, kodvwa achubeke asengce (**X**). Etitaladini kuthulile kakhulu. Gundi nyalo sewuyagijima masinyane wehla ngemgwaco (**X**). Ngelikadze, ayibone ipaki. Ahambe etu kwelibhuloho (**X**) kuhlangana nebangani bakhe esangweni! (**X**)



Asinyakate

Nyalo sitawudlala umdlalo wekwemuketelana.

- Bekani tihlalo tenu tibe yindilinga. Dlalani "titulo-ngoma" – kutawufuneka nitfole indlela lemfisha kakhulu leya esihlalweni.



Teacher:
Sign:
Date:



57 Siwasebentisa njani emanti: ekhaya nasesikolweni

Ithemu 5

– Liviki 5
Ithemu 4



Asibhale

Sisebentisa emanti malanga onkhe. Buka tindlela letehlukene lesisebentisa ngato emanti. Ngaphansi kwesitfombe ngasinye, bhala kutsi emanti asetjentiselwani sebentisa tinchazelo-sitfombe.


Kucima umlilo

Kutigeza tsine

Kugeza titja noma kuhlamba
timphahla

Kusita tilimo kukhula


Kupheka kudla














Asikhulume

Emanti ayamangalisa! Singacoca
lokunyenti ngemanti. Cocani
ngetindlela letinye lesisebentisa
ngato emanti. Emanti aligugu.
Cocani ngekutsi emanti
siwamosha njani. Bekungentekani
kube besingabate emanti?
Yabelana ngemibono yakho
nelikilasi.



Asinyakate

Lingisela loku lokulandzelako:



Impompi levova
emanti ahushukela
kubhesini.



Lifu lemvla
letfwala, liba likhulu
limumatsa imvula
legcina ihhohloka
ina, nelifu liya
ngekunyamalala.



Umfula logeleta ngesineke etu
kwemadvwala bese futsi ugeleta
sakushelela etu kwesihlabatsi.



Ase sidlale

- Dlala "Emabhakede nematfonsi emanti".








58 Tindlela letimosa emanti

Ithemu 4 – Liviki b

Asibale

Buka letifombe faka lumphawu (✓) madvute nesitfombe ngasinye lesinekongeka kwemanti, nesiphambano (✗) madvute nesitfombe ngasinye lesinemanti lamosakalako.






Asikhulume

Buka letitfombe lofake siphambano kuto. Cocisanani ekilasini ngaloko lokwentiwa bantfu esitfombeni. Cocani ngendlela labebangonga ngayo emanti. Cocani ngekutsi bangawasebentisa kanjani emanti ngenhlakanipho.




Asibhale

Bukisia letitfombe. Fundza lemisho ngentasi. Faka lumphau (✓) kusenteko ngasinye lesisisitako konga emanti, nesiphambano (✗) kuleso lesimosha emanti.



	✓ nomi ✗
Ngiyekela impompi itfulule emanti nangicubha.	
Sisebentisa insipho lenekuvelela indalo. Angiwacitsi emanti lasebhavini , kodvwa ngiwasebentisa kunisela ingadze.	
Njalo ebusuku, ngigeza ngemanti lagcwele nswi ebhavini.	
Nangibona impompi ivova, ngiyivala icine nko.	
Sigeza titja ngemanti lageletako.	



Teacher: _____
Sign: _____
Date: _____







Emanti ekunatsa laphephile nalangakaphephi

Ithemu 4 - Liviki 6



Asibhale

Ase ubuke letitfombe. Faka lumphawu (✓) madvute nesitfombe ngasinye kukhombisa imisebenti lephephile. Faka siphambano (✗) madvute nesitfombe ngasinye kukhombisa imisebenti lengakaphephi.



Lusuku:.....



Asibhale

Bhala ligama "kuphephile" noma "akukaphephi" kucedzela umusho ngamunye.
Sesikwentele wekucala.

Kunatsa emanti langcolile akukaphephi.

Kubhukusha emantini langcolile _____.

Kunatsa emanti lasebhodleleni _____.

Kunatsa emanti labuya emfuleni longcolile ku _____.

Kunatsa emanti empompi lahlobile _____.



Ase siddale



Dlala nalabanye lababili.

- Shaya tandla ngesikhatsi ematfonsi emanti lakehla ngaso:
 - ngekunyonyoba empompini
 - ngelitubane empompini
 - ngesivinini lesikhulu empompini
 - nonkhe nihlala sikhatsi sinye.
- Dlalani noma ngumuphi nje lomunye umdlalo wekubetsa tandla leniwatiko.



Asinyakate



- Zuba njengelicoco uphume emantini langcolisekile.
- Zuba njengelicoco ungene emantini lahlobile.
- Gadvula njengelihhashi lelomile ligijimela kuyowunatsa emanti.
- Gijima ngelitubane lakho lonkhe ubaleka emvuleni letseleka njengelibhudlo.
- Cocoma lidvwala ngelidvwala wewelete umfula. Sita labo labangakhoni kuhamba.
- Shwilana ndzawonye njengemanti atfuluka aphuma ebhavini (uwedvwa bese uba nemngani).
- Thishela wakho utanikhombisa nase kufanele nigucukele emnyakatweni lowehlukile.



Kulondvolota emanti lahlobile



Ase sifundze

Emanti langcolile ayasigulisa.

Kufute sinatse emanti lahlobile.

Futsi kufute sidlale sibuye sibhukushe emantini lahlobile.




Asikhulume

Ase ubuke titfombe. Khuluma nemngani wakho ngekutsi abuyaphi emanti etfu lahlobile. Tjela likilasi ngaloko wena lokucabangako. Nasihlobisa emanti, siwenta acwenqeke ahlobe khona kutowuphepha kuwanatsa.



Singawanatsa emanti emvula uma lumphahla lwetfu nelithange kuhlobile.



Masipala uyawahlobisa emanti etfu awagcine kahle khona sitowukhona kuwanatsa.



Emanti etfu singawabilisa kuwahllobisa.



Singawasefa kuwahllobisa.



Asente loku

Cela thishela wakho anikhombise kutsi sentiwa njani sisefo semanti.

Utawudzinga loku:

Libhodlela lepulasitiki lemalitha lama-2

Sihlabatsi lesicolisakele, lesihlobile

Sihlabatsi lesihhayekile, lesihlobile

Ematje lamancane/lukhetse, loluhlobile

Umukhwa lokhaliphile

Sigadlana savolo lohlobile

Ingilazi yemanti



Asinyakate

- Sebentisa sikhwama sekahlala nelisondvo lekukola ihuphu. Beka lehuphu phansi, bafundzi babe beme ngemugca 5 m kusuka kulehuphu. Ungasebentisa sikhala sekukola senethibholi.
- Umfundzi ngamunye utfola lihlandla lekujika sikhwama sekahlala esikhaleni sekukola, ihuphu.



Kusuka emini kuya ebusuku



Ase sifundze

Imini nebusuku kwehlukene.

Kubukeka ngekwehlukana, siva nemisindvo leyehlukene, futsi senta tintfo letehlukene.

Emini sibona lilanga likhanya. Lilanga lisiniketa kukhanya nekushisa. Bantfu labanyenti basebenta emini, tsine siya esikolweni.



Asibhale

Buka letitfombe bese ucoca nemngani wakho ngato. Ngabe titfombe tasemini noma tasebusuku? Tehlukana njani? Bhala "Imini" noma "Busuku" ngetulu kwesitfombe ngasinye.






Ase sifundze

Kusihlwa lilanga liyashona. Kuba
mnyama bese sibona inyeti
netinkhanyeti.

Kufute sisebentise emalambu
kubona kutsi sentani.

Lusuku:



Asinyakate

- Sebentisa emapali ekubekisa (noma timphawu-siboniso njengemakhoni) nebhola.
- Beka lipali lekubekisa (noma timphawu-siboniso) emamitha lambalwa kusuka kubafundzi.
- Sebentisa ibhola lenkhulu njengeyetinyawo.
- Khahlela lebhola ingene emapalini noma emkhatsini netimphawu-siboniso.
- Cale ukhahlele ngelunyawo lwakho lwesekudla bese kuba lwesancele.
- Mangaki emagoli leniwafakile?



62 Sibhakabhaka sebusuku sibukeka kanje

Liviki 8



Ase sifundze

Ithemu

Emini, sivamile kubona sibhakabhaka
lesiluhlata cwe nemafu. Kakhulukati, sibona
lilanga.



Ebusuku, sibona inyeti netinkhanyeti
letinyenti. Tinyenti netichingi-mhlaba
letifana netinkhanyeti.



Kulesinye sikhatsi inyeti iba
sesibhakabhakeni nasemini nje. Asikhoni
kuyibona kahle ngoba lilanga libhokile
ngekukhanya. Yetama kutfola inyeti
ngesikhatsi sasemini.



Asente loku

Inyeti kayibukeki ngekufana busuku ngebusuku. Caphela inyeti kulobusuku
lobusi-5 lobutako. Kulamabhokisi ngentasi, dwweba tinhlobo letehlukene
tabobunjwa benyeti lotibonile.

Busuku bekucala	Busuku besitsatfu	Busuku besihlanu
-----------------	-------------------	------------------

iNephuthuni

iYurenasi

iSatheni

Jupitha

Masi

iVenasi

Umhlaba

iMekhiyuri

Lilanga

Loku-ke lilanga netichingimhlaba letiseluhlelwani lwelilanga endalweni yetfu – laba bomakhelwane betfu emkhatsini. (Lilanga netichingi-mhlaba akukadvetjwa ngebukhulu bako-ngco.)



Asikhulume

Lesi sitfombe seSatheni.

Yehlukile kuto tonkhe

letinye tichingimhlaba ngoba

inetindilinga letiyigegeletile.

Uyawabona lamacashata

lamhlophe esitfombeni?


Ucabanga kutsi ayini vele?

Ase ubuke lesitfombe lesikhulu

ngetulu. Ngabe iSatheni

yinkhudlwana noma yincanyana kunemhlaba? Ngusiphi sicingimhlaba

lesikhudlwana kuneSatheni?




Teacher:
Sign:
Date:

Lilanga nenyeti

Asikhulume

Buka letitfombe.

Ithemu 4 - Liviki 8



Coca nemngani wakho. Tisikhombisani?
Unganiketa noma yiphi imphendvulo lefika
emcondvweni wakho.

Emanotsi athishela:
Thishela wakho utawulalela yonkhe
imibono yenu bese uyanatisa kutsi
tiyini letitfombe.



Ase sifundze

Lilanga yinkhanyeti. Lifana nebhola-mlilo lenkhulukati lephonsa kushisa kwayo
nekukhanya macala onkhe. Lilanga lingaphindzeka emahlandla latigidzigidzi
ngebukhulu kwengca umhlabo.

Inyeti ilidvwala lelitje netintfuli lelikhulukati noko alikuphonsi kushisa. Inyeti ite
kwakayo kukhanya. Ifana nesibuko lesiphonsa imisebe yelilanga ite ngakitsi.
Inyeti yincane kakhulu kabi kunemhlabo.



Asikhulume

Coca nemngani wakho ngekutsi igucuke njani inyeti ebusukwini lobusihlanu.
Chubeka ubuke letitfombe. Ngabe inyeti yakho ibe nako kufana nalenyenya yaleti?



Inyeti legcwele



Inyeti lelucetu



Inyeti ledvulungile



Tinkhanyeti



Ase sifundze

Lilanga ngulona nkhanyeti lesondzele kakhudlwana kitsi. Leti letinye tinkhanyeti tikudze le khashane natsi. Kube bewungahamba ngesivinini lesikhulu uye kunoma nguyiphi yaletinkhanyeti, bekungakutsatsa iminyaka-nyaka kufika lapho.



Asikhulume

Lenkhanyeti leya Mantentekazana,
Ngitamtjela Babe Mantentekazana
Ayishayashaye Mantentekazana,
Ngendvukwana yakhe
Mantentekazana.

Emagiligombo Mantentekazana,
Bhekan' phansi Bhekhan' etulu!



Ase sifundze

Lengoma yacanjwa kadzeni endvulo. Bantfu bebangati lokunyenti kangako ngetinkhanyeti kuleto tikhatsi.

Lamuhla noko sesati lokunyenti. Ema-Astronothi antjwiza aye emkhatsini ngetintjwiza-mkhatsi telikhetselo kutfola kabanti ngetinkhanyeti. Uma bantjwizi-mkhatsi – ema-ostronothi bavakashela umkhatsi, bagcoka tembatfo telikhetselo, emasudu-mkhatsi. Ngesizatfu sebantjwizi-mkhatsi labanesibindzi-nebantfu labahlakaniphile lababayisa emkhatsini, sesifundze lokunyenti kabi ngetinkhanyeti.



Asikhulume



Kuyintfo lenhle yini kutsi sesifundze kabanti ngetinkhanyeti?

Cocani ngaloku wena nemngani wakho.



Ukhetsekile.

Umtimba wakho wonkhe ungulokhetsekile.

Umtimba wakho, wakho wedvwa!



KUTE
lokumele
akutsintse titfo
temtimba
letifihlekile.

**Kumele utjele lomunye nangabe kakhona
lokutsintsia titfo temtimba wakho
letifihlekile.**

**Kumele utjele lomunye
nangabe kakhona lokwentsisa
tintfo longatitsandzi.**

Longamshayela akusite:

Inombolo yemphilo: 0861 322 322

Inombolo yeBantfwana: 0800 05 55 55

SAPS Inombolo lephutfumako: 10111

YeMaphoyisa eKucedza Bugebengu: 086 00 10111

**Luhlangotsi IweKuvikela Bantfwana:
012 393 2359/2362/2363**



Make a placemat
Cut out the pictures you like and
paste them on to the opposite page to
make yourself a two-sided placemat.
Cover or laminate the placemat with
plastic and use it when you eat.





